

TEREERE VEHEN SAWAN

Louise Cyske nge ma rruhu
sasaarōan ge li



*Dovid Tovovur nge ma rruhu nonon
sasaarōan ge li*

**NARATIV
LEVEL 6**

Ministri ne Yekyaan te Wuhuran
Rebublik ne ōrr Vanuatu

Terere vehen womri, san nge Sawan,
an huwo be sangul. Sawan lon mwe
jeene mwenan yunifom vivi tehu.

Ma uhu rahen ge eba gye mwenan
yunifom. Rahen me fe, “Buverr tōlō
ngrengre yunifom. Ma kya erō foone
meyee kakai lonōrr te erō nga gye
yunifom.”





Rahe Sawan mwenan ōrr lonōrr hu mu rru. Ma rrno meyee mwe lam te woye ho en.

Wobung bonga Sawan rrō roōne rahen lonōrr.



Ran Satete hu, mōrō ktu arrbol ne tabu kirinen bin nyer ge ebrō a foone en ōrr ne fofoo meye an.

Bone mōrō vya en ōrr nan, mōrō ling sene tabu kirinen bin te rrō fyan ran hul.



Yafu ne huruman hu ma me.

Ma me lhe tabu te bin te mo foo bonga
nyer.

Sawan te rahen mōrō mōl bya besaō.
Sawan mo hol ku buverr bonga lon ton
arrbol.

Mōrō flung kuru wor buverr bonga ge
mōrō rrya.

“Wingil be sangul, wingil mo ro be ru,
wingil mo ro be sul, wingil mo ro be virr
nge bonga!”





Rahe Sawan me fe, “Mwenangrong
buvrr womri sirr mu rrru.”



Satete sōn mōn, mōrō la mōl mōn bya
lon im ne fofoo meyee an, kirinen arrbol
ne tomato te arrbol ne bin.

Vyantēn hu ma me. Me fe, “Juboo,
tomato ge a bya wu ten tam ho! Be ha
ne nyer?”

Rahe Sawan me fe, “Tomato be liusul,
lo wingil be sangul.”

Tōlō e marin yamarr hu ma me. Ma me uhu Sawan ge, “Be ha ne am bin myumyur ge a, teere vehen?”

Sawan me fe, “Wingil be sangul nan be virr ne bang hu.”



Bone mōrō foo bonga sese nyer, Sawan
kirine rahen mōrō la mōl bya besaō.
Mōrō kwarr ge mōrō kwarr.





Sawan mo hol ku buverr bonga lon ton
arbol te mōrō bulngi.

Buverr bonga be taosen be sul!

Lonle ge a Sawan ma kya eba gye mwenan yunifom. Nge rrō kwarr, tebyan ge ma kya eb nga vya lon im ne wuhuran sirr.

